

պ. Մանանդեան պէտք չէ համարում ուշադրութեամբ կարգալու այն՝ ինչ որ շտապում է հերքելու: Կոչ արած տեղը խօսքս այն մասին է թէ տոհմային կենցաղը երբ փոխանցւում է ֆէոդալականի, ի՞նչ փոփոխութիւն են կրում տոհմային տերմիները: Այն բառերը, որ սկզբում նշանակում էին ընդհանրապէս տոհմի գաւակներ, պահում են սովորական իմաստը, իսկ մի քանիսը, օրինակ սեպուհ դռնում է յատուկ իշխանական տներին:

Այստեղ հակադրում են ոչ իշխանական եւ թագաւորական այլ իշխանական եւ հասարակ ընտանիքները:

Ասել է թէ գիւղացու որդին չի կոչւում սեպուհ, այլ իշխանի, եւ ոչ թէ իշխանի որդին սեպուհ է, ինչպէս պ. Մանանդեան է թիւրաբանել, իսկ թագաւորինը չէ սեպուհ:

Այս տեսակ առարկութիւնները արդէն բացարձակ ժամալաճառութիւն է:

Իր հերքումներով պ. Մանանդեան ուղիները հարթուած է համարում, որպէսզի վերջապէս աւետէ մեզ իր նոր խօսքը, վիճելի խնդրի վերաբերեալ:

Ոստանիկները, պ. Մանանդեանի կարծիքով, թագաւորական ծագում չունին: Խորենացին սխալուել է նրանց թագաւորացն համարելով: Ոստանը արքունիքի հետ չունի: Ոստան է կոչւում արքունի հողը, ուրեմն Եղիշէի՝ 'ոստանիկ յարքունի տունէ' հասկանալու է աշխարհադրական մտքով եւ ոչ տոհմային:

Ասել է թէ ոստանիկները այն մահկանացուներն էին որ ապրում էին թագաւորի հողերի վրայ: Սրանք դորձ չունին ո՛չ թագաւորի, ոչ սեպուհների եւ ոչ նախարարների հետ: Ապա ի՞նչ են: Չէ՞ որ ֆէոդալական դար էր եւ գին ունէր միայն արիւնը, աղնուականութիւնը, իսկ ազատ դասի մէջ մուտք չէին կարող ունենալ բոլոր այն մարդիկ, որ ոչ թագաւորական են, ոչ նախարար, ոչ սեպուհ:

Փակելով նարաւորութեան դռները պ. Մանանդեան ուրիշ ելք չէ գտնում քան մի սոսկալի թուիչք անել դէպի հեռուոր անցեալի մեթոթիւնները: Նա, որ այնքան սիրում է մատենագրական տեղեկութիւնները, որ ուրիշներից պահանջում է անգամ ստուգաբանական խնդիրներում մատենագրական աղնարկներ,

յանկարծ դիր եւ գիրք մի կողմ է նետում եւ սլանում անգիր դարերի վրայից մինչեւ Հայկեան ժամանակները: Եւ ահա ինչ է բարբառում.

«Ոստանը կամ արքունի երկիրը Հայաստանի տանուտիրական բուն այն շրջանն էր, ուր գլխաւորապէս հաստատուած պիտի լինէր հնդկա-եւրոպական եկերը եւ տիրող ցեղը եւ հիմնած քաղաքական ամենանշանաւոր իր կենդրոնները: Եթէ այդպէս է, չէ՞նք կարող արդեօք ենթադրել որ ոստանիկ դասը մեծ մասամբ բազկացած պիտի լինէր հին այս տիրող ցեղի հատուածներից: Չէ՞ որ Հայկ նահապեալը, որի սերունդներից, Խորենացու կարծիքով յծագել է ոստան ազատութիւնը, ոչ թէ իրօք թագաւոր է եղել, այլ պոսսպելական մի հսկայ, որը դառել է հայազգի անուանադեր հերոսը եւ նախահայրը»:

Այս բանաստեղծութիւնից յետոյ պ. Մանանդեան միանգամայն վստահելի է համարում Խորենացու վկայութիւնը, որ պարսիկները ոչընչացրին հին ռազմիկ դասը եւ նրա տեղ ըստեղծեցին հլու արքունի գունդ:

Տեսանք, որ Խորենացու խօսքերը այլ բան չեն եթէ ոչ բանասէրի փորձ մեկնելու Փարպեցու եւ Եղիշէի տեղեկութիւնները:

Ընթերցողը սակայն սպասում է գիտնալ, ի՞նչ էր այդ ոստանիկ կոչուած ռազմիկ դասը, ինչո՞ւ էր նա ազատ եւ ի՛նչով էր ազատ: Այդքան դիմացկուն քաջարի դասը ի՞նչպէս է որ նախարարական աթոռներ չէ գրաւել:

Մեր քննադատի ցանկութիւնն է, որ նրանք ազատ լինին, բայց չինական: «Ընդունելով որ ոստանիկ են անուանուել Արշակունեաց բուն երկրի ազատները, խորհում է պ. Մանանդեան, որոնցից կազմուած գունդն անուանուել է արքունի կամ յարքունի տունէ. դժբախտաբար, ազբիւրների վկայութիւնից չի որոշուած թէ արդեօք այդ ոստանիկ ազատներէ դասին չէ՞ն պատկանել նաեւ ազատ գիւղացիներ, որոնք կարող էին գոյութիւն ունեցած լինել հին Հայաստանում»: Այս դէպքում «հասարակ եւ ըստ մարդաբանի հողաբաժանումը կարող էր վերաբերուել ոստանիկներին», վերջացում է պ. Մանանդեան, եթէ միայն գտնուէր մատենագրական աղբիւրների մէջ հաստատ-